

Fixa di Informason

South Coast Renewables, LLC (SCR) 100 Duchaine Boulevard New Bedford, MA

Diskrison di Instalason:

South Coast Renewables, LLC (SCR) sta propoi atribui 26.1 istenson ("lugar") di un parsela di 71 akri lokalizadu na 100 Duchaine Boulevard na New Bedford, Massachusetts, dentu di Parki Industrial di New Bedford identifikadu pa Asesor Fiskal di New Bedford di New Bedford komu Loti 5 na Plat di Asesor134.

Lugar era propriedadi di Multilayer Coating Technologies y artis inda era di Polaroid Corporation. Propriedadi foi uzadu pa tudu kes dôs antigu donu pa faze filmi. Propriedadi sima dizenvolidu pa Polaroid tinha strada di asésu, ária di stasionamentu, feramentas di jerensiamentu di águ di txuba y txeu otus konstruson.

Lugar di prujetu tanbê ten un operason di Resiklajen Jeral atual/operasional (ka sta sujeitu a Atirbuison di Lugar) ki sta nes mumentu na konstruson y ki sta parsialmenti operacional. Lugar di prujetu, óki dja sta totalmenti konstruidu, ta fornese tanbê 4.7 megawatts (MW) di inerja solar fotovoltaiku ki ta podu na un konjuntu di kanopi y kubertura. Operason di prusesamentu di vidru (Operason di Resiklajen Jeral) y instalason di inerja solar ka ta iziji un atribuison di lugar ô un lisensa di rizídu sólidu, más es é un kunpunenti di prujetu.

Kel konstruson skodjedu foi kriadu pa resebe rizídu sólidu munisipal (MSW) [lixu duméstiku] y restus di konstruson y demolison (C&D) [material kriadu pa prujetu di konstruson, renovason di prédiu y atividadis di demolison] ta inviadu na kamion pa depôs pasa pa tratamentu/prusesamentu (ki ta oferese pusibilidadadi di prusesamentu di MSW dizikilibradu) y/ô pa transifiri na vagon y na sugundu lugar, di akordu ku kondison, kamion más grandi pa transporta pa txeu lugaris na pais interu pa ilimina y/ô pa dipôs faze resilkajen. Prédiu foi middu pa ki tudu diskaregamentu, tratamentu y kualker prusesamentu y karegamentu na vagon y/ô kamion ta kontisi dentu di prédiu.

Sima fladu, SRC ta propoi pa lugar uza 26.1 akri. Tudu tratamentu di lixu, ménus armazenamentu di vagon karegadu, sta limitadu na ária dentu di 65,317 di inklinason di métru kuadradu di prédiu ki rukumendadu, y más ô ménus 50% di ária dentu di 92,200 métru kuadradu di prédiu.



Nisisidadi:


Prujetu rukumendadu sta ser dizenvolidu pa prinxi nisisidadi di Kumunidadi pa transfirénsia ikonómiku di material di rizídu sólidu. Iliminason di rizídu sólidu di Massachusetts sta atualmenti inpaktadu pa inseramentu di ateru sanitáriu statal y pamodi ninhun novu ateru ka sta kriadu. Kapasidadi di ateru sanitáriu pa rizídu sólidu munisipal y restus di konstruson y demolison (C&D) sta speradu ma ta dixi pa pratikamenti zéru pa ti fin di prósimu dekada.

Atualmenti, SRC ten un Akordu di Akolhimentu di Kumunidadi ku Kámara munisipal di New Bedford. Komu parti di es Akordu, SRC ta oferese Kámara Munisipal préssu más favorável (más baxu) si prédiu utilizadu. Es akordu li pode oferese un binifisiu ikonómiku signifikanti pa Kámara, spesialmenti óki ateru di "Greater New Bedford Regional Refuse District" fixta (atualmente privistu pa 2027).

Konstruson y Kontrolu:

Konstruson konseptual di prédiu leba en konsiderason prusidimentu y kontrolu di injinharia adikuadu ki ta diminui pusibilidadadi di situason di inkómudu, inkluidu:

- **Son** - kontroladu através di konstruson di prédiu y di distánsia ti bairru di moradoris.
- **Txeru** - kontroladu através di konstruson di prédiu y instalason di un sistema di kontrolu di txeru
- **Vetor** - kontroladu pa kontratason di un inpreza tirserezadu di kontrolu di vetor [roedor], inspeson rigular y bon jestion internu
- **Puera** - kontroladu pa konstruson di prédiu y pa sistema di kontrolu di txeru/puera
- **Lixu** - através di konstruson di prédiu [internu] y di uza funsionáriu pa faze kontrolu di lixu di manera adikuadu
- **Emison** - através di konstruson di prédiu [internu] y na uza ikipamentu alimentadu pa inerjia ilétriku



Otu Konsiderason/Mitigason:

Baziadu na kontribuison di públiku, konstruson ta ten siginti óra di operason:

- 6:00 di 17:00 di sigunda-fera ti sesta-fera (di entrada y di saida)
- 7:00 di 16:00 - sábado (entrada y saida)
- Operason di entrada y saida fitxadu kompletamentu na duminu.
- Abilidadi di prusesa material dentu di instalason ta kontinua 24/7

SCR sta konprometidu ku siginti mididas rilasionadu ku mitigason di tráfiiku:

- SCR entra na un Akordu di Akolhimentu di Kumunidade ku Kámara Munisipal di New Bedford. Dentu di es Akordu, Instalson debi limita tudu veikulu ki sta entra y ki sta sai di uza (Strada Philips) Philips Road (Sta privistu ma tudu volta di entrada y saida di kamion ta uza Rota 140/pontu di asésu di "Braley Road" pa asesá instalason).
- Instalason aprizentadu na sinal di tráfitu na kruzamentu di "Braley Road" y Philips Road/Theodore Rice Boulevard" (baziadu na aprovason di Kámara).
- Limita transporti di saida di material na kamion duranti dia útil di sédu, dia útil di tardi na óra saida di skóla y na óras di ponta di transporti pendular na dia útil di tardi pa mitiga pusibilidadi di omenta atrazu na ranpa di interseson di Rota 140.
- Duason di \$5,000 pa un sutdu di un zona iskluzivu di kamion.
- Oportunidadis pa inpregadu partisipa na prugrama di rinbolsu ô subsídiu di tránsitu.
- Kordenason ku SRTA pa pidi rivizon di sirvisu di tránsitu atual pa sirbi midjor lugar di prujetu.
- Informa inpregadus di paraji di tránsitu pertu y di konviniénsia di pedestri y di bisikileta.
- Ofere se insentivu pa inkoraja transporti di bisikileta pa lugar, sima suportu di bisikileta y otu instalason di guarda na lugar y implimentason di partilha di karru entri inpregadus.
- Ofere se istasionamentu priferensial pa partilha di karru y di van partilhadu.
- Fornese pista listradu pa bisikileta na Duchaine boulevard y marka di bisikileta partilhadu na Theodore Rice Boulevard pa fornese konektividade pa atual komodidadi di bisikileta na Braley Road. Kel-li sta dipendenti di aprovason di Kámara Munisipal.

Populason di Justisa Ambiental


Na junho di 2021, mapa di Justisa Ambiental (EJ) foi atualizadu na uza informason di Kisitionáriu Kumunitáriu Merkanu di 2019 (ACS) y kel novu definison di populason EJ na pulítika di EEA EJ ki MassDep é obrigadu pa implimenta. Ku bazi na atualizason, instalason aprizentadu sta dentu di populason EJ mapiadu ku kritériu di Rendimentu (pur favor djobe mapa di baxu). Kel ária mapiadu sta indentifikadu di kel forma li "Block Group 2, Census Tract 6502.01, Bristol County, Massachusetts". Grupu di bloku EJ ten un populason di más ô ménus 1,167 moradoris ku un 25+/- pursentu di populason minoritáriu.

Inda, un sugungu populason EJ mapiadu foi indentifikadu más ô ménus 2,200 pé pa lesti y sudesti di instalason aprizentadu. Kel ária li é un populason EJ mapiadu ku kritériu di Rendimentu y populason Minoritáriu (pur favor djobe mapa di baxu). Kel ária mapiadu é indentifikadu di kel forma li Block Group 1, Census Tract 6501.02, Bristol County, Massachusetts. Grupu di bloku EJ ten más ô ménus un populason di 1,442 moradoris ku 43+/- pursentu di populason minoritáriu.

Di akordu ku Pulítika EJ di EEA (<https://www.mass.gov/doc/environmental-justice-policy6242021-update/download>), ten izijénsias adisional (izénplu; partisipason públiku omentadu y análizi omentadu) duranti rivizon di MEPA pa un prujetu ki ta stimula un limiti di MEPA y ki sta lokalizadu dentu di un milha di un pupulason EJ. Apizar di, prujetu SRC foi inviadu pa MEPA artis di pulítika EJ atual entra ne vigor, SCR ten stadu di forma stóriku y el sta kontinua ta dizenpenha isforsu midjoradu di prosimidadi. Pur favor visita <https://paralleproductsustainability.com> data di runion di prosimidadi futuru y kópias di rilatóriu y di aprizentason ki dja priparadu ti es data li.

Risensiamentu di Pupulason di Justisa Ambiental di 2020

- Minoritáriu Rendimentu
- Izolamentu di Língua Inglés
- Minoritáriu y Rendimentu
- Minoritáriu y Izolamentu di Língua Inglés
- Rendimentu y Izolamentu di Língua Inglés
- Minoritáriu, Rendimentu y Izolamentu di Língua Inglés
- Inglés



Partisipason y Kumentáriu Públiku:

Alén di partisipason di runion di prusimidadi públiku rializadu pa SRC, Rijion Sudesti di MassDEP sta atualmenti ta faze rivizon di Rilatóriu kandidatura di lisensa di Konformidadi di Lugar (SSR), ki foi inviadu na 13 di febreru di 2023 y rivizon di MassDEP kumesa ofisilamenti na 22 di febreru di 2023 (kel-li foi kuandu otorizadu pagamentu di taxa di lisensa). Di akordu ku 310 CMR 4.00: Kalindáriu di Ason Oportunu y Pruvison di Taxa y 310 CMR 16.11: Príudu di Rivizon, kronograma di lisensa é kel ki sta sigi:

- Dentu di 21 dia di resebe un kandidatura y pagamentu di taxa di kandidatura di lisensa, Dipartamentu debe konplete un rivizon administrativu pa djobe si sta konpletu.
- Príudu di Rivizon Tékniku di Dipartamentu debe komesa óki Kandidatura oferece prova pa Dipartamentu ma izijénsia di notifikason públiku foi kunpridu, sima stabelesidu na 310 CMR 16.10(4).
- Duranti kes priméru 21 dia di Príudu di Rivizon, Dipartamentu debe seta kumentáriu skritu di Konselhu di Saúdi y di públiku en rilason a konformidadi di lugar.
- Kandidatu pode risponde di forma skritu y/ô Dipartamentu pode iziji Kandidatu pa risponde kumentáriu duranti kel 40 dia inisial di Príudu di Rivizon. Kandidatu pode muda kandidatura desde ki kes mudansa, óki ki fazedo na total, ka ta riprimenta un mudansa grandi. Dipartamentu debe determina si mudansa é grandi y el ta da un avizu pur skritu di kel diterminason pa Kandidatu.
- Dipôs di 40 dia, Dipartamentu pode limita más kumnetariu ô riposta pa pirimiti finalizason di rivizon di lugar pa Dipartamentu.
- Kandidatu - Dentu di 60 dia di resebi prova ma izijénsia di notifikason públiku, sima stabelesidu na 310 CMR 16.10(4): Kandidatura pa Notifikason Públiku foi prenxidu pa Kandidatu, Dipartamentu debe tirmina rivizon y imiti un rilatóriu di konformidadi di lugar. Debe odjadu ma SCR konkorda na istendi es rivizon tékniku pa 21 dia (ki ta faze príudu di kumentáriu públiku - 42 dia) ki ta faze príudu total di rivizon fika 81 dia versu 60 dia.
- Konselhu di Saúdi (BOH) debe ajenda un audiénsia públiku na prazu di 30 dipôs di resebe Rilatóriu di Dipartamentu sobri Konformidadi. Públiku tanbê ta ten oportunidadi di faze kumentáriu pur skritu pa BOH y es ta ten oportunidadi di partisipa na audiénsia.

Informason pa Kontaktu:



Gregory C. Wirsén, MSc.

Visi Presidenti
Green Seal Environmental, LLC
114 State Road, Building B
Sagamore Beach, MA 02562
greg@gseenv.com
www.gseenv.com

Bu pode manda purguntas ô pidi runion individual pesoalmenti ô através di Zoom. Nu ta inkoraja kualker parti pa partilha un Fixa di Informason ku kualer parti interesadu

***Pur favor visita <https://parallelproductssustainability.com> pa resebe atualizason konformi sta postadu novu informason (izénplu; ajenda runion, ajendamentu di SRTA, etc.). Na futuru (dipôs instalason otorizadu) es website li tanbê ta ba uzadu pa moradoris pa posta ses kumentáriu y prukupason (ku nomi ô di forma anónimu) y SCR tanbê ta dokumenta kualker ason disiplinár ki instalason toma.**